

Die Nagglmaiern.

44

Großer Lär-
me im Kriegs-
lager d'r
schwarze Ka-
sinaritter!
Unser Pälzer
Schwarzkitzl
hott e Drauer-
bottschaft uff
die Blattschütz
g'schickt.

Groß, fett,
schwarz ge-
druckt. „Der
erste Bischof
der heil. rö-
misch-katholi-
schen und apo-
stolischen Kir-
che in der preu-
ßischen Mo-
narchie einge-
sperrt!“ frei-
sicht'r. Un aach
noch Morgens
um fünf Uhr,
segt'r. Lang

vor Daganbruch iss'r abg'siebt worre. Also eigentlich
in d'r Nacht! „Man hat demnach den greisen Ober-
hirten gleichsam aus dem Bett in den Kerker ab-
g'siebt.“ — Ich kann mich iver die Verhaftung durch-
aus nit so uff de Kopp schielle, wie d'r edle pälzer
Bott. Wer Zeitunge leest, werd wisse, wie lang seine
Hochwürden, d'r Herr Erzbischof Ledochowski, d'r brei-
ßische Regierung uff d'r Naas rumgedanzt is. Es hott
alles sein Grenze, aach die Langmuth un die Geduld
d'r Regierung, die ke Regierung neewe sich brauche
kann. — Es is eigentlich kurios. Unser Schwarze,
die die ganz Welt unner de reemische Pantoffl bringe
wolle, kumme gar nit mehr aus d'r Drauer. Wie
lang drauere se schun um de angeebliche g'fangene
heilige Vatter, der hingehn kann, wo'r will! Jetzt
aach noch en breißischen Bischof hinner Schloß un
Niggl. Un dehmool werkl'ich eing'schberrt. Ich kon-
dolir, ihr Herrn! — Droß allemdem losse sich die
Herrn, wenigstens unser Heidlberger Schwarze, nit
in ihm Faschingsvergniege schteere. — Die Drauer
muß'n also doch nit so noch zu Herze gehn. „Das war
ein schönes Faschingsvergniege gestern Abend in unserm
kathol. Casino hier,“ schreibt 's Pälzer Bottche. Also
hawe mer's mitere allgemeine Drauer unner d'r Narre-
kapp zu dhun! — Odder soll des Faschingsfest unner
de gegewärtig angeeblich so traurige katholische Zu-
schlände norr ausnahmsweis, un zwar zu Ehre vun
Gem abg'halte worre sein, der widder vun de Dode
uffg'schtanne is, die d'r Pälzer Bott neilich uff seiner
katholische Scherblisch verzeichnet. Es hott sich näm-
lich Cener, der die Altkatholikadress unnerschriewe im
Pälzerbottgrab rumgedreht un bei der Gelegenheit fol-
gend salbungsvoll reimethig Bekenntniß abgelegt:



Erklärung.

Ich habe in unüberlegter Weise die von hier aus
an die II. Kammer eingereichte Altkatholikenadresse
unterschieden. Um das hierdurch gegebene Verger-
niß wieder gut zu machen, nehme ich hiermit öffentlich
meine Unterschrift zurück. Ich bin römisch-katholisch
getauft, ich will auch römisch-katholisch leben un ster-
ben.

Johann G ö h, Heizer.

Gewiß e hibsch nei Gezebild! Wie wär's dann,
Leitche, wann mer den neie heilige Johannes, der sich
widder umdaase hott losse, einrahme losse un nooch
Room, zu de iverige heilige Bilder schicke dhäte! Bei
uns dohaus macht die nei Kuler doch ke Effekt mehr.
Der gute Mann dhät iver.gens besser dran, die ree-
misch Rick'schritt's maschin, schtatt die deilich Fort-
schritt's maschin einzubetze. So leebt ma jo ewig in
d'r Angst, der widder rumg'fätkte gute reemisch-
katholische Heizer brennt emool in sein heilige Fei-
eifer so schtark mit Kohle ein, daß'm d'r Kessl schbringt.
Un do meegte mer nit gern mit schbringe! Un also
in der unangenehm Hoffnung nit fortleewe zu misse
— per nooch Rom. — Schließlich noch e Briefl vun
meim Better „Lorenz“ aus Mannem. Er schreibt mer:

Verzeh'n Dag ke Zucker in de Kaffee! — So will
mich mein Fraa for den Mannemer Bierkrall abschrooße,
an dem ich so unschuldig bin, wie's Kind in d'r Wick-
schnur, Nagglmaiern! — Hoischts geleeße? kreischt se die
Woch. Die Karlsruher haw'es eich gewisse. Zahle miß-
t'r, daß'd'r schwarz werd. D'r schtädtische Schteierzettl
war eich noch nit hoch genug! Ihr habt noch e Rechnung
vun de Bierwerth for eing'schlagene Fenschterkreiz dazu
gelegt hawe wolle. Un wann's norr sechs Kreizer uff
de Mann macht — raus muß'es widder. Am Maul
schbaar ich d'r's ab. Verzeh'n Dag ke Zucker in de
Kaffee! Merk d'r's! — Ja, zum Deiwel, sag ich, un
leeg de Hammer hin — hab dann ich Krawall gemacht?
Hätt ich nicht nit beinah selwer mein Bierkrawall-
fang kriecht un wär in eem Hoor unschuldig arretirt
worre? — Recht wär d'r's g'schehe, kreischt se fort —
mein Bleisir hätt ich dran g'hett! Hoisch nit aach
mit de Händ im Hossesack dabei g'schtanne? Hoisch d'r
nit heemlich in de Bierbart gelacht, wann e Fenschter-
scheib gerappt hott? Meenscht, ich hätt'd'r dein heemlich
Vergniege, des'd' dran g'hatt, nit angemerkt, wie'd
selli Nacht heemkumme un g'sagt hoisch: Die Schlingl
hawe e paar Werrib die Lade eing'schlage! Jetzt zahlt,
Berger, zahlt! — Bumm, war die Thier zu. No,
des Gelächter vun meine G'selle! V'onders vun meim
Altg'ell — Heer'er emool, Schtrummaier, sag ich ä-
gerlich, Er branct nit so zu lache mit sein Hambacher
Fortschritt'sbart! Er war aach nit ganz sauer selli
Nacht. Mit sine Knepp am Rock iss'r ausgange un
mit eem iss'r heemkumme. Er is d'r Batroll aus-
g'schligt! Des war sein Glück! Freilich! Ihr habt jetzt
gut lache! Ihr habt die Arweit g'schafft, un mir Ber-
ger kriech jetzt die Rechnung dafor. — Also des is die
Lieb un Freundschaft, die mer im letschte Summer per
Vergniegungszug mit de Residenzler g'schlosse hawe,
Nagglmaiern! Uns unschuldige Mannemer Berger zu
de Bierkrawallfochte verknorrt!

Druck und Verlag von G. Weisendörfer.